

FOTO/VIDEO: VP Schmidt se sastao sa generalnim sekretarom Stoltenbergom



Izjava za medije nakon sastanka visokog predstavnika Christiana Schmidta sa generalnim sekretarom NATO-a Jensem Stoltenbergom u Sarajevu:

Visoki predstavnik Christian Schmidt: Hvala lijepo, održali smo veoma važan sastanak. Ovo je bila veoma važna posjeta generalnog sekretara NATO saveza Jensa Stoltenberga Bosni i Hercegovini. Smatramo da je saradnja između dejtonskih institucija i NATO saveza, i svih drugih koji se brinu za sigurnost, a da dodam i dobru perspektivu za mlade ljude u ovoj zemlji, od krucijalnog značaja. Nekako moramo da ponovo izgradimo povjerenje u vladavinu prava. To je naš posao zajedno sa svim drugim odgovornim političarima. Radimo na tome i potrebna nam je podrška EU i NATO-a. I drago nam je da smo mogli razmijeniti mišljenja o ovim temama. Hvala.

Generalni sekretar NATO-a Jens Stoltenberg: Hvala lijepo, hvala visoki predstavniče Christiane Schmidt. Drago mi je što sam ponovo ovdje i što se ponovo srećemo. Naravno, NATO je prisutan u BiH, mi ovdje djelujemo i imamo odličnu saradnju sa vama i sa vašim Uredom. NATO pruža podršku suverenitetu i teritorijalnom integritetu BiH. Želimo da ovo bude mirna zemlja u srcu stabilnog regiona, i vaši napori na funkciji

visokog predstavnika su od vitalnog značaja za jedinstvo i pomirenje u ovoj zemlji. Svaki pokušaj podrivanja vaše pozicije gura BiH nazad, a ne naprijed.

Pozdravljam produženje UN mandata za EU operaciju Althea, što je potvrđeno početkom ovog mjeseca. NATO ostaje i dalje u potpunosti privržen uspjehu ove misije. Štab NATO-a ovdje u Sarajevu pomaže u koordinaciji ove podrške. Mi ne možemo, niti hoćemo dozvoliti da se u BiH stvori sigurnosni vakuum, prema tome, visoki predstavniče, hvala vam još jednom za važan posao koji obavljate, za vašu predanost stabilnosti u ovom regionu i za današnji sastanak, koji je za mene bio veoma koristan jer sam od vas dobio nove informacije o situaciji u ovoj zemlji. Vi i dalje radite na tome da se u ovoj zemlji gradi čvršći mir i prosperitet, i hvala vam na tome.

Pogledajte snimak izjava na engleskom jeziku: